



Inatsisartuni ilaasortaq Ruth Heilmann, Siumut
MAANI

Naalakkersuisunut apeqqummut 101-imut nunaqarfinni tunitsiviit pillugit akissuteqaat,

Inatsisartut suleriaasianni § 36, imm. 1 naapertorlugu, piffinni tunitsiviit, sulisunik ilinniartitsisarneq aamma aalisartut aalajangeeqataasinnaanerat pillugit apeqquteqarsimavutit. Apeqqut uanga akisussaaffeqarfinnit akisassanngortinneqarsimavoq.

26. maj 2010
j. nr.: 01.28/2010-92
Postboks 269
3900 Nuuk
Tlf. (+299) 34 50 00
Fax (+299) 32 47 04
E-mail: apnn@nanoq.gl
www.nanoq.gl

Apeqqutit:

Nunaqarfinni aalisakkanik tunitsiviit tunisassiorfiit sulisoqarniarnikkut qanoq ingerlanneqarpat, qanoq politikkeqarfigineqarpat? (Atammimmi tunisassiorfiup assersuutitut atorneqarnissaa kissaatigaara.)

Ilinniarsimasunik soorlu ATI-mi ilinniarsimasunik tunisassiorfinni sulisoqarnissaq qanoq pingaartinneqartigaa?

Royal Greenlandip nunaqarfinni tunitsiveqarfiini ingerlataanilu qanoq ittunik piumasaqaateqartoqartarpa: Aalisakkanik tunisisarneq qanoq malittarisassaqartinneqarpa; aalisakkat pitsaasuunissaat anguniarlugu iliuutsit suut ingerlanneqarpat.

Aalisartut sutigut suleqatigineqarpat aammalu oqartussaaqataanissat qanoq pingaartinneqartigaa? Aalisartut tunitsiviit ammasarnerannut oqaasissaqartitaallutillu sunnuteqarnissaat qanoq pingaartinneqartigaa?

Apeqqutigineqartut Royal Greenlandimut attuumatinneqartuuneri pingaaruteqarmata Naalakkersuisoqarfiup ingerlatseqatigiiffimmut pissutsit pillugit tusarniaassuteqarsimavoq taakkulu akissutigisaat matumani akissuteqarnermi ilanngullugit suliarineqarsimapput.

Akissut

1-imut)

Piffinni tunitsivinni suliffissaqarniarnermi soorunami apeqqutaasorujussuuvoq, tunitsivinnut periarfissaqarnersoq silatusaartumik ingerlatsinikkut angusaqarsinnaassuseqarneq. Periarfissaqassaaq aalajaatsumik tunisisitsisoqarsinnaaneranut, annertungaatsiartumik kaaviiartitsinermik qulakkeerinnissinnaasoq tunisassionermillu iluanaaruteqarsinnaaneq, imminut akilersinnaasumik ingerlatsinermik qularnaarinnissinnaasoq.

Ingerlatseqatigiiffinnik assigiinngitsunik kiffartuussinissamik isumaqatigiissusiornermut atatillugu, arlaleriarluni eqqarsaatersuutigineqartarsimavoq pisuussutit pitsaanerpaamik qanoq iliorluni iluaqutigineqarsinnaanersut. Ilaatigut pingaartinneqartarsimavoq, aalisakkerivik qanoq iliorluni pingaarnersiuisarsinnaanersoq, imminut akilersinnaasumik ingerlatsinissamat piumasaqaatinut sanilliullugu, taamaaliornikkut qularnaarniarlugu

aalisakkeriviit annikinnerusumik kaaviiartitsisartut annikinnerusumillu imminnut akilersinnaassuseqartut, periarfissinniarlugit ammatitsisinnaanissaat.

Atammik nunaqarfimmi tunitsiviuvoq, aalisakkerivittut isigineqarsimasooq aalisakkerivinnut allanut sanilliullugu annertunerusumik tunitsivigineqarsinnaasoq. Tamatumani pingaarnermik nipisat suaat pineqarput, kisiannili aamma saarulliit tarajortikkanik tunisassiornermut atorneqartartut.

2-mut)

Naalakkersuisut pingaaruteqarluinnartut isigaat, tunitsivinni sulisunut periarfissaqarnissaa, ilinniagaqaqqinnissamut periarfissaqartitsinissaa. Tamanna aamma ingerlatseqatigiiffinnut aalisakkerivinnik piginnittuusunut iluaqutaasussatut isigineqassaaq, piginnaaneqarluartunik sulisoqarnissaa, taamaalilluni tunisassiorneq ineriartortinneqarsinnaalluni, taamalu piareersaataasutut pitsaassusillinnik tunisassiorneq pilersinneqarsinnaalluni.

Tassunga atatillugu apeqqutinik nassiussinermi tusarniaanissamut piumasaqaat Royal Greenland-imut nassiunneqarsimavoq, sulisunut ATI-mi ilinniagaqarsimasuunissaannik apeqqutinullu allanut akissutaat pissarsiarerusullugu. Royal Greenland-imit akissuteqaat ilanngussatut ilanngunneqarpoq.

3-mut)

Arlalinnik assigiinngitsunik pisortanit piumasaqaateqarpoq aalisakkerivinnik tunitsivinnut Royal Greenland-imeersunut tunitsivinnullu allanut. Inuusutissatigut piumasaqaataapput Inuusutissanik aqutsisoqarfimmit aamma Kalaallit Nunaanni inuusutissat pillugit oqartussaasunit piumasaqaataasut. Tamakku saniatigut Kalaallit Nunaanni suliffeqarneq pillugu inatsisiliornermi sulinermit piumasaqaatit aalajangersarneqarsimasut pineqarput.

Soorlu aamma Royal Greenland-imit tusarniaanermi akissuteqaatikkut saqqummersumi KNAPK-mit tunisinermi ilitsersuutit pillugit isumaqatigiissuteqartoqartarpoq, tunisitsinermi aalisakkat pitsaanerpaamik pitsaassusillit pissarsiarisinnaajumallugit. Tamatuma saniatigut Royal Greenland-imit tusarniaanermi akissuteqaammut innersuussisoqarsinnaavoq, malittarisassat sorliit atortakkatik naapertorlugit pitsaassuseq pitsaanerpaaq anguneqarsinnaanersoq.

4-mut)

Tunitsivinnut kiffartuussinissamik isumaqatigiissusiorfiusimasunut aalajangersarneqarsimavoq, ukioq kaajallallugu ammasarnissaa. Piffissanut aalisakkeriviit ammatinneqarfigisassaannut aalajangersagaqanngilaq. Aalisakkerivinni ataasiakkaani piffissanut ammasarfiusunut sanilliullugit, tamanna pillugu najukkami aalisartut, KNAPK-p aamma Royal Greenland-ip imaluunniit tunitsivinnik piginnittunut allanut sanilliullugit oqallinneq pitsaanerpaaq taakku akornanni ingerlanneqartuuppat pitsaanerpaatut isigineqarpoq.

Inussiarnersumik inuulluaqqusillunga

Aalisarnermut, Piniarnermut Nunalerinermullu Naalakkersuisoq